



REPUBLIKA E KOSOVËS / REPUBLIKA KOSOVA
REPUBLIC OF KOSOVA

KOMUNA E FUSHË KOSOVËS / OPŠTINA KOSOVO POLJE
MUNICIPALITY OF FUSHË KOSOVË/KOSOVO POLJE



Datë: 24.06.2026

Në mbështetje të nenit 13 të Ligjit për Vetëqeverisje Lokale Nr. 03/L-040 (Gazeta Zyrtare Nr. 28/2008), nenit 12 të Rregullores së Ministrisë së Financave (MF) Nr. 04/2017 mbi Kriteret, Standardet dhe Procedurat e Financimit Publik të OJQ-ve, Rregullores (K.FK) Nr. 83, datë 14.06.2013, për Ndarjen e Subvencioneve, si dhe nenit 44 të Statutit të Komunës së Fushë Kosovës Nr. 98, i datës 17.08.2012, Kryetari i Komunës merr këtë:

V E N D I M

Për shpalljen e Thirrjes Publike me fushë prioritare: Organizimin e turneve garuese në sporte të ndryshme

Për implementimin e thirrjes publike zbatohen dispozitat e Rregullores (MF) Nr. 04/2017 mbi Kriteret, Standardet dhe Procedurat e Financimit Publik të Organizatave Joqeveritare dhe Rregullores (K.FK) Nr. 83, datë 14.06.2013, për Ndarjen e Subvencioneve për individët.

Për realizimin e mbështetjes financiare nga kategoria e subvencioneve për projekt-propozimet në fushën e Sportit vlejné këto kushte:

1. Mjetet financiare për mbështetje tërhiqen nga kodi i subvencioneve për mbështetjen e organizatave joqeveritare dhe individëve që promovojné avancimin, fuqizimin dhe masivizimin e sportit;
2. Mbështetja financiare publike për këtë fazë të thirrjes do të ofrohet brenda kuadrit të buxhetit total të planifikuar për Thirrjet Publike të vitit 2026 nga fondi burimor 21, kodi ekonomik 85002, në kuadër të Drejtorisë për Kulturë, Rini dhe Sport, buxhet i cili në vlerën e tij të përgjithshme është 400,000.00 €.
3. Shuma minimale e mbështetjes financiare për OJQ-të dhe klubet është **500.00 €**, ndërsa shuma maksimale për një projekt është **8,000.00 €**.
4. Për mbështetje financiare për Individë zbatohen dispozitat e Rregullores (K.FK) Nr. 83, datë 14.06.2013, për Ndarjen e Subvencioneve.

Mjetet financiare të planifikuara do të shpërndahen në bazë të thirrjes publike për financimin e projekt-propozimeve sipas dokumentacionit të vlefshëm për zbatimin e thirrjes, i cili është pjesë e këtij vendimi.

Afati për dorëzimin e propozimeve për mbështetje financiare është **7 ditë pune** dhe fillon në ditën e publikimit të thirrjes publike. Afati i fundit për dorëzim të projekt-propozimeve është deri më **02.07.2026**.

OJQ-të, klubet dhe individët mund të aplikojnë vetëm me një (1) projekt në kuadër të kësaj thirrjeje dhe vetëm në njëërën nga fushat prioritare të përcaktuara. Periudha e zbatimit të projektit duhet të jetë minimumi një (1) muaj dhe maksimumi gjashtë (6) muaj.

Propozimet duhet të dorëzohen vetëm në formularët e paraparë sipas Udhëzuesit për Aplikim. Dokumentacioni i kompletuar, në dy kopje fizike dhe një kopje elektronike (në CD) brenda zarfit të mbyllur, duhet të dorëzohet drejtpërdrejt në Zyrën Pritëse për shërbimin e qytetarëve ose përmes postës në adresën:

**Komuna e Fushë Kosovës, 12000, Rr. Tahir Zemaj, Objekti i
Komunës, Departamenti i DKRS-së.**

Çështjet që lidhen me thirrjen publike mund të sqarohen vetëm në mënyrë elektronike në e-mail adresën: agron.breznica@rks-gov.net.

Vlerësimin e përmbajtjes së aplikacioneve e bën Komisioni Vlerësues, pasi të konstatohet se aplikantët i plotësojnë kushtet formale për të qenë pjesë e konkurrimit, sipas kritereve të thirrjes publike.

Anëtarët e Komisionit Vlerësues do të punojnë në përputhje me procedurën e përcaktuar në Udhëzuesin për Aplikuesit dhe rregullat e parapara me Rregulloren (MF) Nr. 04/2017 për financimin publik të OJQ-ve dhe Rregulloren (K.FK) Nr. 83, datë 14.06.2013, për Ndarjen e Subvencioneve.

Pasi të merret vendimi për financim për aplikuesit e suksesshëm, projektet e të cilëve i plotësojnë kushtet e financimit, Kryetari i Komunës, i mbështetur në rekomandimin e Komisionit Vlerësues, merr vendim për ndarjen e mjeteve financiare për OJQ-të, klubet dhe individët që merren me përkrahjen, fuqizimin dhe masivizimin e Kulturës, Rinisë dhe Sportit.

Përgjegjëse për zbatimin e këtij vendimi është Drejtoria për Kulturë, Rini dhe Sport e Komunës së Fushë Kosovës.

Ky vendim hyn në fuqi në ditën e nënshkrimit nga Kryetari i Komunës.

Sqarim i rëndësishëm: OJQ-të, klubet dhe individët të cilët nuk i kanë mbyllur projektet paraprake (nuk kanë dorëzuar dëshminë e realizimit të projektit dhe raportin financiar), nuk do të shqyrtohen fare nga Komisioni për Vlerësim.

Akti u dorëzohet:

- 1 x Kryetarit të Komunës
- 1 x Drejtorisë për Kulturë, Rini dhe Sport
- 1 x Drejtorisë për Buxhet dhe Financa
- 1 x Arkivit të Komunës

Kryetari i Komunës
Valon Prebreza

